




1621_008.jpg



1621_009.jpg



1621_010.jpg



1621_011.jpg

Histoire de nostre temps.

II


prendre d'heure vne honorable composition, que de se hazarder par vne resistace à vne perte inévitable, ils firent sortir deux Capitaines, & deux Bourgeois pour parlementer, lesquels obtindrent dudit Duc, que les gens de guerre fortiroiēt armes & bagage sauues; & les Bourgeois seroient maintenus en leurs biens & privileges, apres auoir presté nouveau serment à son Altesse comme Commissaire de sa Majesté Imperiale.

Après la reddition de Cham, le Duc fit marcher l'armée vers la riuere de Schvartzza, où il prit Neubourg & Valdmunchen, puis ayant passé prez de Valdhausen, il reprist Pleistein, chassa les Mansfeldiens du Landgraviat de Luchtemberg, & ayant passé le Nabe se rendit maistre de Kembatt, Pressat, Eischembach, & Grafenverd, & fit loger son armée aux environs d'Amberg, qui est sur la riuere de Vifs.


Loge son
armée aux
environs
d'Amberg.

Les principaux Seigneurs du haut Palatinat qui estoient retirez dans Amberg, avec ceux qui y tenoient la Chancellerie ou le Senat, voyans d'un costé l'estat miserable où Mansfeld & ses gens de guerre auoient reduict les bourgs & villages par leurs rauages & pilleries; & d'autre part le Duc de Bauieres qui les pressoit les armes à la main de luy faire response à son exhortation & admonition, quitter le party du Palatin, abandonner Mansfeld, de ne luy plus ayder de viures & munitions, & se reduire à l'obeyssance de l'Empereur, eurent plusieurs conseils aupara-


1621_012.jpg



1621_013.jpg



1621_014.jpg



M. DC. XXI.

14
puissance des grands Princes, & qui sont à
leur bien seance, sont de difficile restitution.
Voyons ce qui se passoit cependant au Palati-
nat du Rhin.

Cordoua
General des
Espagnols
ayant passé
le Rhin se
réd maistre
de plusieurs
villes en la
Bergstrasse.

Repasse
le Rhin &
prend Kei-
fers lauter
& Land-
stal.

Au fucillet 788. du septiesme tome, il a esté
rapporté comme apres que la trefue fut finie
au Palatinat du Rhin, Dom Gonçales Fernan-
des de Cordoua General des Espagnols estoit
passé le Rhin, auoit surpris le Chasteau & la
Tour de Stin, & que les Palatinois s'estans
efforcez de le vouloir reprendre, auoient esté
contraincts de leuer le siege au bout de trois
iours. Or Veer General des Anglois commis à
la garde du Palatinat, voyant les Espagnols au
delà du Rhin, ietta la pluspart de ses forces
dans Heildeberg & Manheim, croyant que
les Espagnols deussent tourner leurs armes de-
uiers ces villes là, ce qu'ils ne firent pas; ains
s'en allerent vers la Bergstrasse où ils se ren-
dirent maistres de Bensheim, de la forteresse
de Starkemburg, de Heppenheim, Vemheim,
& de toutes les villes qui sont dans ce traict
de montagnes qui semble separer le Palati-
nat de la Franconie.

Cela faict, l'armee Espagnole retourna vers
Stin, où Cordoua estant aduertie du peu de gés
de guerre qui estoient dās Keisers-lauter où cō-
mandoit le Capitaine Raquet, repassa le Rhin,
& la fit soudainement inuestir d'un costé. Ra-
quet auoit esté autrefois sommé de se rendre,
mais ayant en ce temps là nombre suffisant de
gens de guerre pour deffendre la place, il au-
oit fait aussi responce aux Espagnols, Ny ve-

1621_015.jpg

Histoire de nostre temps.


15

neez pas si vous ayez de viure : Mais à ceste fois le voyant avec peu de soldats , & des bourgeois mal aguerris , il fut contrainct de faire la retraicte avec les siens par le costé d'en-hault ; & les Citoyens de recevoir vne garnison Espagnole. Comme aussi fit celuy qui commandoit dans Landstal , lequel rendit aux Espagnols ceste place sans faire aucune resistance. Ce faict , Cordoua mena son armee loger aux environs de Gemersheim, d'où il alla mettre le siege deuant Frankental, voyant que toutes les forces Palatinoises estoient vers Heildeberg & Manheim au delà du Rhin.

Le 7. Octobre donc , selon le nouveau stile, Frankental fut assiegé par les Espagnols du costé de la porte de Spire, & de celle de Manheim: ils furent deux iours à faire leurs tranchées & approches dans des vignes, & à dresser vne batterie de quatre canons, de laquelle le vniesme iour ils commencerent à abatre quelques deffenses ; & ce mesme iour il y eut vn combat sur le chemin de Manheim entre les habitans & les assiegeans , où la perte fut esgale: Mais le lendemain les assiegez firent vne seconde sortie, en laquelle les Espagnols qui vouloient faire ferme à la garde de leur canon furent tous tuez , toutes les munitions qui y estoient prises, & eussent emmené les quatre canons s'ils eussent eu des cheuaux, & de la caualerie pour les soutenir, qui estoit ce qui manquoit le plus aux assiegez: car en la ville outre les habitans, il n'y auoit que de l'in-

Assiege Frā.
kental.Estat des
assiegez.

1621_016.jpg



16 *M. DC. XXI.*
 fanterie en garnison, sçavoir, trois compa-
 gnies d'Anglois, sous la conduite de Iean Bor-
 nes qui commandoit dans la ville, trois com-
 pagnies d'Allemands, & deux compagnies de
 Holandois: Quant aux habitans & à ceux des
 villes voisines qui s'estoient enfermez en ce
 siege, on fit eslection de ceux qui estoient pro-
 pres aux armes, desquels on en dressa quatre
 compagnies, qui parurēt le long du siege avec
 beaucoup plus d'ardeur & courage, que les
 autres soldats de la garnison: Aussi quelques
 Seigneurs volontaires qui s'estoient jettez de-
 dans la ville y seruirent beaucoup, & entre-
 autres Louys Comte de Vigenstein.

Les Espagnols continuans leur batterie, &
 ayans tiré plus de mille coups de canon en
 deux endroicts contre les deux bastions du
 dehors des portes de Spire & Manheim, apres
 auoir abbatu les defences, & tout ce qui leur
 pouuoit nuire pour aller à l'affault, le donne-
 rent si vigoureuſemēt, qu'ils emporterent ces
 deux bastions, & tuerent tout ce qui s'y trou-
 ua en deffense: sur celuy de la porte de Spire
 soixante Anglois qui le defendoient y laisse-
 rent la vie. Or ayans ainsi pris ces deux bastions
 de dehors, ils se voulurent aduancer & atta-
 quer les bastions du dedans faicts en forme
 de demies lunes: mais ils en furent repoulsez
 rudement, & contraincts apres la perte d'un
 grand nombre de bons hommes de se retirer,
 & quant & quant abandonner les deux ba-
 stions des dehors qu'ils auoient gaignez. Ce-
 ste premiere ardeur des Espagnols estant ainsi
 rembarce,

1621_017.jpg




Image issue du site mercurefrancois.ehess.fr - Cliché (c) Cécile Soudan